

Sarajevo, 21.08.2023.godine

Klub SDP-a u Skupštini Kantona Sarajevo
Zastupnik Davor Čičić

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Vlada Kantona Sarajevo
n/r Ministarstvo privrede Kantona Sarajevo
n/r KJP Centar „Skenderija“ d.o.o. Sarajevo

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) postavljam zastupnička pitanja , dostavljam:

ZASTUPNIČKO PITANJE

Prema **Ministarstvu privrede Kantona Sarajevo i KJP Centar „Skenderija“ d.o.o. Sarajevo**

1. Na 8. radnoj sjednici Skupštine KS prezentirani su izvještaji o radu KJP Centar „Skenderija“. Prema posljednjim materijalima koji su dostavljeni zastupnicima nalazi i se i revizorski izvještaj o radu preduzeća za 2020. godinu revizorske kuće N.Consalting d.o.o. Sarajevo koje je iskazalo svoje suzdržano mišljenje što izražava sumnju da finansijski izvještaji nisu prikazani objektivno, a samim tim i realno i stvarno stanje u kantonalnom preduzeću. Molim za informaciju šta se zaključno sa 30.6.2023. konkretno uradilo u ispunjavanju preporuka iz mišljenja revizorske kuće i da li su neke od tih preporuka već ispoštovane?
2. Ukoliko nisu ispoštovane preporuke ovlaštene revizorske kuće, koji su konkretno problemi koji onemogućavaju Upravu KJP Centar „Skenderija“ d.o.o. Sarajevo da ispoštuje navedene preporuke iz revizorskog izvještaja?
3. Koji su konkretno resursi potrebni i koja je konkretna pomoć potrebna od strane Skupštine KS, Vlade KS i Ministarstva privrede KS da bi KJP Centar „Skenderija“ ispoštovao sve preporuke iz revizorskog izvještaja, a kako bi budući revizorski izvještaji o poslovanju preduzeća dobili pozitivnu ocjenu i na fer i objektivna način prikazao stanje u preduzeću?

OBRAZLOŽENJE

Na 8. radnoj sjednici Skupštine Kantona Sarajevo prezentiran je izvještaj o radu preduzeća KJP Centar „Skenderija“ d.o.o. zajedno sa izvještajem i mišljenjem nezavisne revizorske kuće N.Consalting d.o.o. Sarajevo. Navedeno mišljenje je bilo suzdržano jer prema njihovoj tvrdnji nisu mogli pribaviti dostatne i primjerene revizijske dokaze za osiguranje osnove za revizorsko mišljenje o tim finansijskim izvještajima što izrazava sumnju da finansijski izvještaji nisu prikazani na fer i objektivni način.

Kao što je prikazano u Napomeni 14. uz finansijske izvještaje glavne osnove za suzdržano mišljenje navedene revizorske kuće su sljedeće:

„Društvo nije napravilo umanjenje vrijednosti potraživanja od kupaca u iznosu od 1.713.477 KM i ostalih potraživanja od zakupoprimalaca u iznosu od 4.623 KM koja su na dan 31. decembra 2020. godine starija od godinu dana pošto Uprava vjeruje da su ova potraživanja naplativa. Obzirom da za ova potraživanja Društvo nema instrumente osiguranja naplate, na bazi raspoloživih informacija i sprovedenih revizijskih procedura, nismo bili u mogućnosti da se uvjerimo da je načinjeno umanjenje vrijednosti adekvatno kako bi se knjigovodstvena vrijednost ovih potraživanja svela na nadoknadiivi iznos. U skladu sa navedenim nismo bili u mogućnost procijeniti efekat prethodno navedenog na finansijske izvještaje Društva za godinu koja je završila 31. decembra 2020.

Kao što je prikazano u Napomeni 12. uz finansijske izvještaje, Društvo nije napravilo umanjenje vrijednosti investicijskih nekretnina. Društvo u svojoj imovini posjeduje nekretnine koje daje u zakup i koje su klasifikovane u skladu s MRS 40 „Investicijske nekretnine“. Društvo na dan 31. decembar 2020. godine nije izvršilo test na umanjenje vrijednosti u skladu sa MRS 36 „Umanjenej vrijednosti imovine“. Provedenim revizorskim procedurama nismo mogli potvrditi iskazani iznos investicijskih nekretnina, kao ni potencijalne efekte korekcije umanjenja na finansijske izvještaje na dan i za godinu koja se završava 31. decembra 2020. godine.

Kao što je prikazano u Napomeni 16. uz finansijske izvještaje, kapital na dan 31. decembar 2020. godine iskazan je u iznosu od 29.535.564 KM. Navedeni iznos čini kapital Kantona Sarajeva u iznosu od 10.000 KM, državni kapital iskazan po Rješenju o vlasničkoj transformaciji od 07. jula 1999. godine u iznosu od 22.859.150 KM i kapital koji pripada fizičkim licima u iznosu od 6.666.414 KM stečen postupkom pribavljanja dodatnog kapitala. Prema sudskom rješenju, osnovni kapital iznosi 10.000 KM. Društvo na dan sastavljanja finansijskih izvještaja nije izvršilo usaglašavanje gore navedenih podataka sa sudskim rješenjem, te na osnovu dostavljene dokumentacije nismo mogli utvrditi efekte usaglašavanja na finansijske izvještaje.

Nadalje, Društvo je prikazalo revalorizacione rezerve u iznosu od 7.501.943 KM, za koje nam nije dostavilo dokumentaciju, niti smo se alternativnim procedurama mogli uvjeriti u postojanje navedenih.

Kao što je prikazano u Napomeni 18. uz finansijske izvještaje, Društvo je iskazalo rezervisanja po osnovu sudskih sporova u iznosu od 12.615 KM koja su formirana u prethodnom periodu. U toku revizije nismo stekli uvjerenje da je Društvo izvršilo adekvatnu procjenu ishoda sudskih sporova u skladu sa MRS 37 „Rezervisanja, potencijalna imovina i

potencijalne obaveze". Na osnovu informacija i dokumentacije koja nam je bila na raspolaganju nismo mogli izvršiti vlastitu procjenu neophodnih rezervisanja, te na taj način procijeniti efekte na finansijske izvještaje na dan 31. decembar 2020. godine.

Nadalje, Društvo nije izvršilo evidentiranje rezervisanja za troškove zaposlenih u skladu sa MRS 19 „Primanja zaposlenih" koji zahtjeva da se iznosi primanja koji su zaposlenici ostvarili trebaju priznati kao obaveza, mjereni primjenom akterskih metoda. Na osnovu provedenih revizorskih procedura, nismo mogli ustanoviti efekte odstupanja od stanadarda na finansijske izvještaje na dan 31. decembar 2020. godine.

Angažovani smo kao revizori Društva junu 2021. godine i nismo bili u mogućnosti da prisustvujemo popisu zaliha na datum 31. decembar 2020. godine, niti smo mogli da se alternativnim revizijskim procedurama uvjerimo u stanje zaliha na dan 31. decembra 2020. godine, koje su iskazane u bilansu stanja u iznosu od 82.966 KM (Napomena 13.)

Kao što je prikazano u Napomeni 20. uz finansijske izvještaje, na dan 31. december 2020. godine dugoročne obaveze u iznosu od 1.171.892 KM uključuju i dio kratkoročnih obaveza, za koje Društvo nije izvršilo reklasifikaciju u svojim finansijskim izvještajima. Navedeno predstavlja odstupanje od Međunarodnog računovodstvenom standarda 1 „Prezentacija finansijskih izvještaja", te nismo bili u mogućnosti da procijenimo i utvrdimo iznos kratkoročnog dijela dugoročnih obaveza, niti da utvrdimo ukupne efekte odstupanja na finansijske izvještaje Društva za godinu koja je završila 31. decembra 2020. godine.

Priloženi finansijski izvještaji ne uključuju u potpunosti evidentiranja po osnovu Sporazuma o plaćanju dužnih javnih prihoda u ratama zaključen sa Poreznom upravom FBiH, u mjaui 2018. godine, čiji ukupan dug javnih prihoda iznosi 2.255.854 KM. Na dan 31. december 2020. godine po navedenom Sporazumu Društvo nije evidentiralo kamate i troškove prinude u ukupnom iznosu od 926.094 KM, zbog čega je iznos obaveze i gubitaka iz ranijih godina podcijenjen za navedeni iznos na dan 31. december 2020. godine.

U toku 2020. godine Društvo je evidentiralo troškove i prihode koji se ne odnose na navedeni period u neto iznosu od 21.474 KM. Prethodno navedeno nije u skladu sa Okvirom za sastavljanje i prezentaciju finansijskih izvještaja, temeljnom pretpostavkom „Načela nastanka poslovnog događaja" i MRS 8 „Računovodstvene politike, promjene računovodstvenih procjena i greške" koji propisuju da se efekti transakcija i drugih događaja priznaju kada su nastali. Nadalje, za naknadno utvrđene greške Društvo treba da prilagodi uporedna stanja za prethodni period ili prezentirano prethodno razdoblje u kojem je pogreška nastala, ili da prilagodi početna stanja imovine, obaveza i glavnice za najranije prezentirano razdoblje. Također, Društvo je u svojim knjigovodstvenim evidencijama po istom osnovu dva puta uvećalo prihod u iznosu od 15.000 KM, čime je prihod u 2020. godini precijenjen za navedeni iznos. U skladu s tim, gubitak i akumulirani gubitak za godinu koja je završila 31. decembra 2020. godine je potcijenjen za iznos od 36.474 KM.“

U skladu sa tim postavljam zastupnička pitanja koja su navedena u gornjem tekstu.

S poštovanjem,

Davor Čičić
Zastupnik SDP BiH
u Skupštini Kantona Sarajevo